



2021 оны 04 дүгээр сарын 09
№14 /1164/

ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

ᠲᠥᠷᠢᠶᠢᠨ
ᠮᠡᠳᠡᠭᠡᠯᠡᠯ

ᠮᠣᠩᠭᠣᠯ ᠤᠯᠤᠰ ᠶ᠋ᠢᠬᠡ ᠬᠤᠷᠭᠢᠯ ᠠᠯᠪᠠᠨ ᠮᠡᠳᠡᠭᠡᠯᠡᠯ

ᠮᠣᠩᠭᠣᠯ ᠤᠯᠤᠰ
ᠶ᠋ᠢᠬᠡ ᠬᠤᠷᠭᠢᠯ
ᠠᠯᠪᠠᠨ ᠮᠡᠳᠡᠭᠡᠯᠡᠯ



ГАРЧИГ
МОНГОЛ УЛСЫН ХУУЛЬ

133. Нэмэлт протокол соёрхон батлах тухай 1199

МОНГОЛ УЛСЫН ИХ ХУРЛЫН ТОГТООЛ

134. Зарим Байнгын хорооны бүрэлдэхүүнд
өөрчлөлт оруулах тухай Дугаар 27 1200

135. Байнгын хорооны бүрэлдэхүүнд
өөрчлөлт оруулах тухай Дугаар 28 1201

136. Сонгогчийн нэрсийн жагсаалт,
бүртгэлийн хяналтын дэд хорооны
бүрэлдэхүүнд өөрчлөлт оруулах тухай Дугаар 29 1202

137. Түр хороо байгуулах тухай Дугаар 30 1203

МОНГОЛ УЛСЫН ЗАСГИЙН ГАЗРЫН ТОГТООЛ

138. Журам шинэчлэн батлах тухай Дугаар 220 1206

139. Дүрэм шинэчлэн батлах тухай Дугаар 227 1210

МОНГОЛ УЛСЫН ОЛОН УЛСЫН ГЭРЭЭ

140. “Дэлхийн шуудан холбооны дүрмийн
10 дугаар нэмэлт протокол” 1218

МОНГОЛ УЛСЫН ХУУЛЬ

2021 оны 03 дугаар
сарын 26-ны өдөр

Улаанбаатар
хот

НЭМЭЛТ ПРОТОКОЛ СОЁРХОН БАТЛАХ ТУХАЙ

1 дүгээр зүйл. Холбооны Бүгд Найрамдах Ардчилсан Этиоп Улсын нийслэл Аддис-Абеба хотноо 2018 онд хуралдсан Дэлхийн шуудан холбооны Бүрэн эрхт төлөөлөгчдийн ээлжит бус 3 дугаар их хурлаар хэлэлцэн баталсан “Дэлхийн шуудан холбооны дүрмийн 10 дугаар нэмэлт протокол”-ыг Монгол Улсын Засгийн газрын өргөн мэдүүлснээр соёрхон баталсугай.

МОНГОЛ УЛСЫН
ИХ ХУРЛЫН ДАРГА

Г.ЗАНДАНШАТАР

Үсэнтэйг хүлээн
гэрээлсэн

67007 дугаар 700 км-ийн 07 - ө амны мөхөнцөртэй

Нийслэл Улаанбаатар хотноо

6 км-ийн 07 - ө амны мөхөнцөртэй

Хүлээн гэрээлсэн - 76007 дугаар
амны мөхөнцөртэй
Улаанбаатар хотноо
67007 дугаар 700 км-ийн 07 - ө амны мөхөнцөртэй

Үсэнтэйг хүлээн

гэрээлсэн

Зөв . Төлөөлөгчдийн



МОНГОЛ УЛСЫН ИХ ХУРЛЫН ТОГТООЛ

2021 оны 03 дугаар сарын 19-ний өдөр

Дугаар 27

Улаанбаатар хот

Зарим Байнгын хорооны бүрэлдэхүүнд өөрчлөлт оруулах тухай

Монгол Улсын Их Хурлын тухай хуулийн 8 дугаар зүйлийн 8.1.6 дахь заалт, 26 дугаар зүйлийн 26.1 дэх хэсэг, Монгол Улсын Их Хурлын чуулганы хуралдааны дэгийн тухай хуулийн 26 дугаар зүйлийн 26.2 дахь хэсгийг үндэслэн Монгол Улсын Их Хурлаас ТОГТООХ нь:

1.Монгол Улсын Их Хурлын гишүүн Лувсанцэрэнгийн Энх-Амгаланг Нийгмийн бодлогын байнгын хорооны бүрэлдэхүүнээс чөлөөлж, Боловсрол, соёл, шинжлэх ухаан, спортын байнгын хорооны гишүүнээр баталсугай.

2.Энэ тогтоолыг 2021 оны 3 дугаар сарын 19-ний өдрөөс эхлэн дагаж мөрдсүгэй.

МОНГОЛ УЛСЫН ИХ ХУРЛЫН ДАРГА

Г.ЗАНДАНШАТАР

Үсчингийн Бямба нар, 2021 оны 03 сарын 19

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр

МОНГОЛ УЛСЫН ИХ ХУРЛЫН ДАРГА Г.ЗАНДАНШАТАР
2021 оны 03 сарын 19-ний өдөр



МОНГОЛ УЛСЫН ИХ ХУРЛЫН ТОГТООЛ

2021 оны 03 дугаар
сарын 26-ны өдөр

Дугаар 28

Улаанбаатар
хот

Байнгын хорооны бүрэлдэхүүнд өөрчлөлт оруулах тухай

Монгол Улсын Их Хурлын тухай хуулийн 8 дугаар зүйлийн 8.1.2, 8.1.6 дахь заалт, 26 дугаар зүйлийн 26.1 дэх хэсэг, Монгол Улсын Их Хурлын чуулганы хуралдааны дэгийн тухай хуулийн 26 дугаар зүйлийн 26.1.4 дэх заалтыг үндэслэн Монгол Улсын Их Хурлаас ТОГТООХ нь:

1.Монгол Улсын Их Хурлын гишүүн Жаргалтулгын Эрдэнэбатыг Үйлдвэржилтийн бодлогын байнгын хорооны гишүүнээр баталсугай.

2.Энэ тогтоолыг 2021 оны 3 дугаар сарын 26-ны өдрөөс эхлэн дагаж мөрдсүгэй.

МОНГОЛ УЛСЫН
ИХ ХУРЛЫН ДАРГА

Г.ЗАНДАНШАТАР

Үсрэнгэний гишүүн Г. Занданшатар

МОНГОЛ УЛСЫН ИХ ХУРЛЫН ТУХАЙ ХУУЛИЙН 8 ДУГААР ЗҮЙЛИЙН 8.1.2, 8.1.6 ДАХЬ ЗААЛТ, 26 ДУГААР ЗҮЙЛИЙН 26.1 ДЭХ ХЭСЭГ, МОНГОЛ УЛСЫН ИХ ХУРЛЫН ЧУУЛГАНЫ ХУРАЛДААНЫ ДЭГИЙН ТУХАЙ ХУУЛИЙН 26 ДУГААР ЗҮЙЛИЙН 26.1.4 ДЭХ ЗААЛТЫГ ҮНДЭСЛЭН МОНГОЛ УЛСЫН ИХ ХУРЛААС ТОГТООХ НЬ:

1. Монгол Улсын Их Хурлын гишүүн Жаргалтулгын Эрдэнэбатыг Үйлдвэржилтийн бодлогын байнгын хорооны гишүүнээр баталсугай.

2. Энэ тогтоолыг 2021 оны 3 дугаар сарын 26-ны өдрөөс эхлэн дагаж мөрдсүгэй.

МОНГОЛ УЛСЫН ИХ ХУРЛЫН ДАРГА

Г.ЗАНДАНШАТАР

Үсрэнгэний гишүүн Г. Занданшатар



МОНГОЛ УЛСЫН ИХ ХУРЛЫН ТОГТООЛ

2021 оны 03 дугаар
сарын 26-ны өдөр

Дугаар 29

Улаанбаатар
хот

**Сонгогчийн нэрсийн жагсаалт,
бүртгэлийн хяналтын дэд хорооны
бүрэлдэхүүнд өөрчлөлт оруулах тухай**

Монгол Улсын Их Хурлын тухай хуулийн 8 дугаар зүйлийн 8.1.6 дахь заалт, 28 дугаар зүйлийн 28.5 дахь хэсэг, Монгол Улсын Их Хурлын чуулганы хуралдааны дэгийн тухай хуулийн 26 дугаар зүйлийн 26.3, 26.5 дахь хэсгийг үндэслэн Монгол Улсын Их Хурлаас ТОГТООХ нь:

1.Улсын Их Хурлын гишүүн Сайнбуянгийн Амарсайханыг Сонгогчийн нэрсийн жагсаалт, бүртгэлийн хяналтын дэд хорооны бүрэлдэхүүнээс чөлөөлж, Улсын Их Хурлын гишүүн Гочоогийн Ганболдыг тус дэд хорооны гишүүнээр баталсугай.

2.Энэ тогтоолыг 2021 оны 3 дугаар сарын 26-ны өдрөөс эхлэн дагаж мөрдсүгэй.

**МОНГОЛ УЛСЫН
ИХ ХУРЛЫН ДАРГА**

Г.ЗАНДАНШАТАР

Үргэлжлэлтэй хамт
МОНГОЛ УЛСЫН ИХ ХУРЛЫН
ТОГТООЛ

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ДАРГА
Г.ЗАНДАНШАТАР

МОНГОЛ УЛСЫН ИХ ХУРЛЫН ТОГТООЛ

2021 оны 03 дугаар
сарын 26-ны өдөр

Дугаар 30

Улаанбаатар
хот

Түр хороо байгуулах тухай

Монгол Улсын Их Хурлын тухай хуулийн 29 дүгээр зүйлийн 29.1 дэх хэсгийг үндэслэн Монгол Улсын Их Хурлаас ТОГТООХ нь:

1.“Оюу толгой ордын ашиглалтад Монгол Улсын эрх ашгийг хангуулах тухай” Монгол Улсын Их Хурлын 2019 оны 92 дугаар тогтоолын хэрэгжилтэд хяналт тавих, шаардлагатай бол санал боловсруулж, дүнг нэгдсэн хуралдаанд танилцуулах үүрэг бүхий түр хороог дараах бүрэлдэхүүнтэй байгуулсугай:

Түр хорооны дарга:

Ц.Даваасүрэн

Улсын Их Хурлын гишүүн

Түр хорооны гишүүд:

1/Ш.Адьяшаа

Улсын Их Хурлын гишүүн

2/Н.Алтанхуяг

Улсын Их Хурлын гишүүн

3/П.Анужин

Улсын Их Хурлын гишүүн

4/Ё.Баатарбилэг

Улсын Их Хурлын гишүүн

5/Б.Бат-Эрдэнэ

Улсын Их Хурлын гишүүн

6/Ж.Бат-Эрдэнэ

Улсын Их Хурлын гишүүн

7/Х.Болорчулуун

Улсын Их Хурлын гишүүн

8/С.Бямбацогт

Улсын Их Хурлын гишүүн

9/Ж.Ганбаатар

Улсын Их Хурлын гишүүн

10/С.Ганбаатар

Улсын Их Хурлын гишүүн

11/Г.Ганболд

Улсын Их Хурлын гишүүн

12/Н.Ганибал

Улсын Их Хурлын гишүүн

13/Х.Ганхуяг

Улсын Их Хурлын гишүүн

14/Г.Дамдинням

Улсын Их Хурлын гишүүн

15/Б.Дэлгэрсайхан

Улсын Их Хурлын гишүүн

16/Б.Жаргалмаа

Улсын Их Хурлын гишүүн

17/Ж.Мөнхбат

Улсын Их Хурлын гишүүн

18/Ц.Сандаг-Очир

Улсын Их Хурлын гишүүн

19/Ж.Сүхбаатар

Улсын Их Хурлын гишүүн

20/Г.Тэмүүлэн

Улсын Их Хурлын гишүүн

21/Ч.Ундрэм

Улсын Их Хурлын гишүүн

22/С.Чинзориг

Улсын Их Хурлын гишүүн

23/Б.Энхбаяр

Улсын Их Хурлын гишүүн



МОНГОЛ УЛСЫН ЗАСГИЙН ГАЗРЫН ТОГТООЛ

2020 оны 12 дугаар
сарын 16-ны өдөр

Дугаар 220

Улаанбаатар
хот

Журам шинэчлэн батлах тухай

Засгийн газрын тусгай сангийн тухай хуулийн 10.5-д заасныг үндэслэн Монгол Улсын Засгийн газраас ТОГТООХ нь:

1.“Гэмт хэргийн хохирогчид нөхөн төлбөр олгох журам”-ыг хавсралт ёсоор шинэчлэн баталсугай.

2.Гэмт хэргийн хохирогчид нөхөн төлбөр олгох сангийн хөрөнгийн зарцуулалт, үйл ажиллагаанд хяналт тавьж ажиллахыг Хууль зүй, дотоод хэргийн сайд Х.Нямбаатарт даалгасугай.

3.Энэ тогтоол гарсантай холбогдуулан “Журам батлах тухай” Засгийн газрын 2011 оны 4 дүгээр сарын 20-ны өдрийн 132 дугаар тогтоол, “Журамд өөрчлөлт оруулах тухай” Засгийн газрын 2018 оны 5 дугаар сарын 23-ны өдрийн 143 дугаар тогтоолыг тус тус хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

**ХУУЛЬ ЗҮЙ, ДОТООД
ХЭРГИЙН САЙД**

Х.НЯМБААТАР

Засгийн газрын 2020 оны
220 дугаар тогтоолын хавсралт

ГЭМТ ХЭРГИЙН ХОХИРОГЧИД НӨХӨН ТӨЛБӨР ОЛГОХ ЖУРАМ

Нэг. Нийтлэг үндэслэл

1.1.Энэ журмын зорилго нь Гэмт хэргийн хохирогчид нөхөн төлбөр олгох сан (цаашид “Сан” гэх)-гаас гэмт хэргийн улмаас амь насаа алдсан этгээдийн хууль ёсны төлөөлөгч, хүнд гэмтэл учирсан хохирогчид Засгийн газрын тусгай сангийн тухай хуулийн 10.3-т заасны дагуу нөхөн төлбөр олгохтой холбогдсон харилцааг зохицуулахад оршино.

Хоёр. Нөхөн төлбөр олгох сангийн зорилго

2.1.Засгийн газрын тусгай сангийн тухай хуулийн 10.2-т заасан эх үүсвэрээс бүрдсэн Сангийн хөрөнгийг Монгол Улсын нутаг дэвсгэрт



үйлдэгдсэн, Эрүүгийн хуульд заасан дор дурдсан гэмт хэргийн улмаас амь насаа алдсан этгээдийн хууль ёсны төлөөлөгч, хүнд гэмтэл учирсан хохирогчид нөхөн төлбөр олгоход зарцуулна:

№	Эрүүгийн хуулийн зүйл, заалт	Эрүүгийн хуулийн зүйл, заалтын гарчиг
1.	10.1	Хүнийг алах
2.	11.1	Хүний эрүүл мэндэд хүнд хохирол санаатай учруулах
3.	11.4	Хүний эрүүл мэндэд хүндэвтэр хохирол санаатай учруулах
4.	12.1	Хүчиндэх
5.	12.3	Бэлгийн мөлжлөг
6.	13.1	Хүн худалдаалах
7.	13.2	Хүн хулгайлах
8.	13.3	Хүн барьцаалах
9.	13.4	Хүнийг хүчээр алга болгох
10.	15.3	Хүний цус, эс, эд эрхтнийг хууль бусаар авах
11.	15.5	Хууль бусаар үр хөндөх
12.	16.1	Хүүхдийг гэмт хэрэг үйлдэхэд татан оруулах
13.	16.3	Хүүхдийг хаях, төөрүүлэх, тэнүүлчлэлд хүргэх
14.	16.6	Хүүхэд худалдах
15.	16.7	Хүүхэдтэй хэрцгий харьцах
16.	16.11	Хүүхдийг асран хамгаалах үүргээ үл биелүүлэх
17.	17.2	Дээрэмдэх
18.	19.3	Төрийн өндөр албан тушаалтны амь биед халдах
19.	21.12	Эрүү шүүлт тулгах
20.	29.1	Түрэмгий дайныг төлөвлөх, бэлтгэх, өдөөх, дэгдээх
21.	29.8	Террорист үйлдэл хийх

2.2.Сангийн эх үүсвэрийн бүрдүүлэлт, зарцуулалтын тайлан, бүртгэл тооцоог шүүхийн шийдвэр гүйцэтгэх ажиллагаа явуулж буй гүйцэтгэх баримт бичгийг үндэслэн хөтөлж, цахим хуудсаар дамжуулан олон нийтэд нээлттэй тайлагнана.

2.3.Сангийн хөрөнгийг зориулалт бусаар зарцуулахыг хориглох ба нөхөн төлбөр олгоход шаардагдах хөрөнгийг дараа жилийн төсөвт тусгуулна.

Гурав. Сангийн удирдлага, зохион байгуулалт

3.1.Сангийн хөрөнгийн бүрдүүлэлт, зарцуулалтыг хууль зүй, дотоод хэргийн асуудал эрхэлсэн Засгийн газрын гишүүн хариуцан удирдана.

3.2. Сангийн хөрөнгийг бүрдүүлэх, зарцуулах болон хяналт тавьж, тайлагнах үйл ажиллагаанд хууль зүй, дотоод хэргийн асуудал эрхэлсэн төрийн захиргааны төв байгууллагын холбогдох нэгж мэргэжил, арга зүйн дэмжлэг үзүүлж, хэрэгжилтийг зохион байгуулж ажиллана.

3.3. Шаардлагатай гэж үзвэл хууль зүй, дотоод хэргийн асуудал эрхэлсэн Засгийн газрын гишүүн сангийн удирдлага, зохион байгуулалтад дэмжлэг үзүүлэх Ажлын хэсэг байгуулан ажиллуулж болно.

Дөрөв. Нөхөн төлбөр олгуулах хүсэлт гаргах

4.1. Нөхөн төлбөр хүсэх өргөдлийг хохирогч буюу түүний хууль ёсны төлөөлөгч (цаашид “өргөдөл гаргагч” гэх) нь аймаг, нийслэлийн шүүхийн шийдвэр гүйцэтгэх газар, хэлтэст хохирлыг гэм буруутай этгээдээр нөхөн төлүүлэх тухай шүүхийн шийдвэр хүчин төгөлдөр болсноос хойш гаргана.

4.2. Өргөдөлд дор дурдсан баримт бичгийг хавсаргана:

4.2.1. хохирлыг гэм буруутай этгээдээр нөхөн төлүүлэх тухай шийтгэх тогтоол болон гүйцэтгэх хуудасны хуулбар;

4.2.2. өргөдөл гаргагчийн иргэний баримт бичгийн хуулбар;

4.2.3. дансны талаар тодорхойлолт;

4.2.4. хохирлыг гэм буруутай этгээд буюу түүний хууль ёсны төлөөлөгчөөс барагдуулаагүй, эсхүл дутуу барагдуулсныг нотлох баримт.

Тав. Өргөдлийг хянан шийдвэрлэх

5.1. Аймаг, нийслэлийн шүүхийн шийдвэр гүйцэтгэх газар, хэлтэс нь өргөдлийг хүлээн авч, энэ журмын 4.4-т заасан шаардлагыг хангасан эсэх, өргөдөл болон түүнд хавсаргасан баримт бичиг нь үнэн зөв эсэхийг тодруулж, холбогдох баримтын бүрдлийг 30 хоногт ханган, нөхөн төлбөрийг шийдвэрлүүлэх саналыг улирал тутам шаардлагатай тохиолдолд сар бүр хууль зүй, дотоод хэргийн асуудал эрхэлсэн төрийн захиргааны төв байгууллагад хүргүүлнэ.

5.2. Хууль зүй, дотоод хэргийн асуудал эрхэлсэн төрийн захиргааны төв байгууллагын холбогдох нэгж өргөдлийг хянаж, дараах шийдвэрийн аль нэгийг гаргана:

5.2.1. нөхөн төлбөрийг бүрэн эсхүл хэсэгчлэн олгох;

5.2.2. нөхөн төлбөр олгохоос татгалзах.

5.3.Хууль зүй, дотоод хэргийн асуудал эрхэлсэн төрийн захиргааны төв байгууллагын холбогдох нэгж нь нөхөн төлбөрийг өргөдөл гаргагчид хэсэгчлэн олгох тухай шийдвэр гаргасан тохиолдолд үлдэгдэл төлбөрийг дараагийн жилд бүрэн барагдуулах талаар танилцуулгад тусгана.

5.4.Энэ журмын 5.2.1-д заасан шийдвэр гаргаснаас хойш ажлын 5 өдрийн дотор хууль зүй, дотоод хэргийн асуудал эрхэлсэн Засгийн газрын гишүүнд танилцуулна.

5.5.Хууль зүй, дотоод хэргийн асуудал эрхэлсэн Засгийн газрын гишүүн саналыг хүлээн авснаас хойш ажлын 7 өдрийн дотор Засгийн газрын тусгай сангийн тухай хуулийн 23.1-д заасны дагуу нөхөн төлбөр олгох шийдвэр гаргана.

5.6.Нөхөн төлбөрийг энэ журмын 5.5-д заасан шийдвэрийг үндэслэн өргөдөл гаргагчийн харилцах, хадгаламжийн дансанд шилжүүлнэ.

5.7.Өргөдөл гаргагч нь хуурамч бичиг баримт бүрдүүлсэн, эсхүл гэм буруутай этгээд болон түүний хууль ёсны төлөөлөгч хохирлыг бүрэн барагдуулсан бол нөхөн төлбөр олгохоос татгалзаж өргөдөл гаргагчид хариу мэдэгдэнэ.

5.8.Хуурамч бичиг баримт бүрдүүлж, эсхүл худал мэдүүлж энэ журамд заасан нөхөн төлбөрийг авсан гэм буруутай этгээдэд хууль тогтоомжид заасан хариуцлага хүлээлгэж, хохирлыг буцаан төлүүлнэ.

Зургаа. Нөхөн төлбөрийг буцаан төвлөрүүлэх

6.1.Сангаас олгосон нөхөн төлбөрийг шүүхийн шийтгэх тогтоолоор гэм буруутай болох нь тогтоогдсон этгээдээс Шүүхийн шийдвэр гүйцэтгэх тухай хуульд заасан үндэслэл, журмын дагуу шийдвэр гүйцэтгэх ажиллагаа явуулж, нөхөн төлүүлнэ.

6.2.Шийтгэх тогтоолд заасан гэм буруутай этгээд нь хорих ял эдэлж байгаа бол шүүхийн шийдвэр гүйцэтгэх тухай хуульд заасан үндэслэл, журмын дагуу хорих ангийн удирдлага хоригдлыг тэргүүн ээлжинд ажлын байраар хангах арга хэмжээ авч, хөдөлмөрийн хөлс, бусад орлогоос суутгал хийж, нөхөн төлбөрийг Санд төвлөрүүлнэ.

6.3.Шүүхийн шийдвэр гүйцэтгэх тухай хуулийн 29.1.8, 29.1.9-д заасан үндэслэлээр шүүхийн шийдвэр гүйцэтгэх ажиллагааг дуусгавар болсонд тооцсон бол нөхөн төлбөрийг Санд төвлөрүүлэхгүй ба буцаан төлүүлэхтэй холбоотой бүртгэлд мэдээллийг тусгана.



6.4.Энэ журмын 2.2, 6.3-т заасан бүртгэлийг шүүхийн шийдвэр гүйцэтгэх байгууллага хөтөлж, хууль зүй, дотоод хэргийн асуудал эрхэлсэн төрийн захиргааны төв байгууллагын холбогдох нэгжийг тухай бүр мэдээллээр ханган ажиллах үүрэгтэй.

Долоо. Гомдол гаргах, хянан шийдвэрлэх

7.1.Өргөдөл гаргагч нь нөхөн төлбөр олгох ажиллагаатай холбоотой гомдлоо шүүхэд гаргаж болно.

7.2.Нөхөн төлбөр олгох үйл ажиллагаатай холбоотой маргаан үүссэн тохиолдолд маргааныг хянан шийдвэрлэх хүртэлх хугацаанд тухайн өргөдөл гаргагчтай холбоотой нөхөн төлбөр олгох ажлыг түдгэлзүүлнэ.

МОНГОЛ УЛСЫН ЗАСГИЙН ГАЗРЫН ТОГТООЛ

2020 оны 12 дугаар
сарын 23-ны өдөр

Дугаар 227

Улаанбаатар
хот

Дүрэм шинэчлэн батлах тухай

Монгол Улсын Засгийн газрын тухай хуулийн 30 дугаар зүйлийн 1 дэх хэсэгт заасныг үндэслэн Монгол Улсын Засгийн газраас ТОГТООХ нь:

1.“Жендэрийн үндэсний хорооны дүрэм”-ийг хавсралт ёсоор шинэчлэн баталсугай.

2.Жендэрийн үндэсний хороо, түүний Ажлын албаны үйл ажиллагаанд шаардагдах хөрөнгийг жил бүрийн улсын төсөвт тусган шийдвэрлэж байхыг Монгол Улсын сайд, Засгийн газрын Хэрэг эрхлэх газрын дарга Л.Оюун-Эрдэнэ, Сангийн сайд Ч.Хүрэлбаатар нарт даалгасугай.

3.Энэ тогтоол гарсантай холбогдуулан “Тогтоолын хавсралтад нэмэлт, өөрчлөлт оруулах тухай” Засгийн газрын 2015 оны 2 дугаар сарын 2-ны өдрийн 46 дугаар тогтоол, “Тогтоол, тогтоолын хавсралтад нэмэлт, өөрчлөлт оруулах тухай” Засгийн газрын 2018 оны 9 дүгээр сарын 5-ны өдрийн 285 дугаар тогтоол, “Тогтоол, тогтоолын хавсралтад нэмэлт, өөрчлөлт оруулах тухай” Засгийн газрын 2018 оны 4 дүгээр сарын 25-ны өдрийн 111 дүгээр тогтоолын 2, 3, 4 дэх заалт, “Жендэрийн үндэсний хорооны бүрэлдэхүүн, дүрэм, ажлын албаны орон тоог батлах тухай” Засгийн газрын 2011 оны 11 дүгээр сарын 16-ны өдрийн 323 дугаар

тогтоолын 2 дугаар хавсралтаар баталсан “Жендэрийн үндэсний хорооны дүрэм”-ийг тус тус хүчингүй болсонд тооцсугай.

**МОНГОЛ УЛСЫН
ЕРӨНХИЙ САЙД**

У.ХҮРЭЛСҮХ

**МОНГОЛ УЛСЫН САЙД,
ЗАСГИЙН ГАЗРЫН ХЭРЭГ
ЭРХЛЭХ ГАЗРЫН ДАРГА**

Л.ОЮУН-ЭРДЭНЭ

Засгийн газрын 2020 оны
227 дугаар тогтоолын хавсралт

ЖЕНДЭРИЙН ҮНДЭСНИЙ ХОРООНЫ ДҮРЭМ

Нэг. Нийтлэг үндэслэл

1.1.Энэ дүрэм нь Жендэрийн үндэсний хороо (цаашид “Хороо” гэх), түүний Ажлын албаны үйл ажиллагаатай холбогдсон харилцааг зохицуулна.

1.2.Жендэрийн үндэсний хорооны дүрмийг Монгол Улсын Засгийн газар, Ажлын албаны бүтэц, зохион байгуулалтыг Монгол Улсын Ерөнхий сайдын захирамжаар тус тус батална.

1.3.Хорооны үндсэн зорилго нь жендэрийн тэгш байдлыг хангах хөгжлийн бодлогын үйл ажиллагааг тодорхойлж хэрэгжүүлэхэд дэмжлэг үзүүлэх, Жендэрийн эрх тэгш байдлыг хангах тухай хууль болон хөгжлийн зорилтот хөтөлбөрийг хэрэгжүүлэх, биелэлтэд нь хяналт тавих ажлыг зохион байгуулах, энэ чиглэлээр төрийн болон төрийн бус байгууллага, аж ахуйн нэгж, иргэдийн зүгээс гаргасан үүсгэл санаачилгыг дэмжих, тэдгээрийн үйл ажиллагааг уялдуулан зохицуулахад оршино.

1.4.Хороо нь үйл ажиллагаандаа Монгол Улсын Үндсэн хууль, олон улсын гэрээ, конвенц, Жендэрийн эрх тэгш байдлыг хангах тухай хууль, бусад хууль тогтоомж болон энэ дүрмийг удирдлага болгоно.

1.5.Хороо, түүний Ажлын алба тогтоосон журмын дагуу үйлдсэн тэмдэг, албан бичгийн хэвлэмэл хуудас хэрэглэнэ.

Хоёр. Хорооны бүрэлдэхүүн, зохион байгуулалт

2.1.Жендэрийн эрх тэгш байдлыг хангах тухай хуулийн 17.2-т заасны дагуу Монгол Улсын Ерөнхий сайд Жендэрийн үндэсний хороог тэргүүлж, түүний үйл ажиллагааг удирдлагаар хангана.

2.2.Хороо нь орлогч дарга, нарийн бичгийн дарга, гишүүдтэй байна.

2.3.Хороо нь шаардлагатай бол жендэрийн тэгш байдлыг хангах тодорхой асуудлаар зөвлөл, ажлын хэсэг, шинжээчдийн бүлэг байгуулан ажиллуулж болох бөгөөд бүрэлдэхүүнийг хорооны хуралдаанаар батална.

2.4.Хорооны үйл ажиллагааны үндсэн хэлбэр нь хорооны хуралдаан байна.

2.5.Хорооны ээлжит хуралдааныг жилд нэгээс доошгүй удаа хийнэ. Шаардлагатай бол хорооны даргын санаачилгаар, эсхүл хорооны гишүүдийн олонхийн саналаар ээлжит бус хуралдааныг хуралдуулж болно.

2.6.Хуралдааныг хорооны жендэрийн салбар зөвлөл, хороодын болон мэргэжлийн шинжээчдийн, эрдэмтдийн, холбогдох төрийн, төрийн бус, хувийн хэвшлийн, олон улсын байгууллагын төлөөллийг оролцуулан өргөтгөсөн хэлбэрээр зохион байгуулж болно.

2.7.Хорооны нийт гишүүдийн ердийн олонх оролцсоноор хуралдааныг хүчинтэйд тооцно.

2.8.Хорооны хуралдаанаар хэлэлцсэн асуудлыг хуралдаанд оролцсон нийт гишүүдийн олонхын саналаар шийдвэрлэнэ. Гишүүдийн санал тэнцсэн тохиолдолд хуралдаан даргалагчийн саналаар асуудлыг шийдвэрлэнэ.

2.9.Хорооны хуралдаанаар хэлэлцэн шийдвэрлэсэн асуудлаар тогтоол гаргаж хорооны дарга гарын үсэг зурна.

2.10.Хорооны хуралдааныг тэмдэглэл хөтөлж баталгаажуулах бөгөөд түүнд хорооны нарийн бичгийн дарга гарын үсэг зурна.

2.11.Хорооны хуралдааны дэгийг хорооны дарга батална.

Гурав. Хорооны чиг үүрэг

3.1.Хороо нь Жендэрийн эрх тэгш байдлыг хангах тухай хуулийн 18.3-т заасан чиг үүргийг хэрэгжүүлнэ.

Дөрөв. Хорооны дарга, гишүүний эрх, үүрэг

4.1.Хорооны дарга дараах эрх, үүрэгтэй:

4.1.1. хорооны бүрэлдэхүүнийг Засгийн газарт санал болгох;



4.1.2.хорооны ээлжит болон ээлжит бус хуралдаанаар хэлэлцэх асуудлыг баталж, хуралдааныг товлох, даргалах;

4.1.3.хороог дотоод, гадаадад төлөөлөх;

4.1.4.хорооны гишүүдэд үүрэг, даалгавар өгч, биелэлтэд нь хяналт тавих;

4.1.5.хорооны үйл ажиллагааны тайланг Засгийн газрын хуралдаанд танилцуулах.

4.2.Хорооны гишүүн дараах эрх, үүрэгтэй:

4.2.1.хорооны хуралдаанд биечлэн оролцож, шийдвэрлэх асуудлаар санал оруулах, хүндэтгэн үзэх шалтгааны улмаас хуралдаанд оролцох боломжгүй тохиолдолд Ажлын албанд албан ёсоор мэдэгдэж, хуралдаанаар хэлэлцэх асуудалд бичгээр санал өгөх;

4.2.2.хорооны шийдвэрийн хэрэгжилтийн явц, үр дүнтэй танилцах, хариуцсан чиглэлийн дагуу зөвлөгөө өгөх, тавьсан санал, хүсэлтийг өөрийн эрх хэмжээний хүрээнд шийдвэрлэх, хяналт тавих;

4.2.3.хорооны даргын өгсөн үүрэг, даалгаврыг хэрэгжүүлэх, ажлын тайлангаа хороонд тайлагнах;

4.2.4.хариуцсан чиглэлийн дагуу хороонд холбогдох мэдээ, тайлан, статистик тоо баримт гаргаж өгөх;

4.2.5.хорооны үйл ажиллагааны төлөвлөгөө, тайлантай танилцах, хорооноос хэрэгжүүлж байгаа арга хэмжээний талаар мэдээлэл авах.

4.3.Хорооны даргын түр эзгүйд түүний эрх үүргийг хорооны орлогч дарга хэрэгжүүлнэ.

4.4.Хорооны нарийн бичгийн дарга нь хорооны Ажлын албаны дарга байна.

4.5.Хорооны нарийн бичгийн даргыг хорооны дарга томилж, чөлөөлнө.

Тав. Хорооны Ажлын алба

5.1.Хорооны өдөр тутмын ажлыг түүний Ажлын алба (цаашид “Ажлын алба” гэх) хариуцан гүйцэтгэнэ. Ажлын албаны дарга, орон тооны ажилтан нь төрийн захиргааны албан хаагч байна.

5.2.Ажлын алба дараах чиг үүргийг хэрэгжүүлнэ:

5.2.1.хорооны жил бүрийн үйл ажиллагааны төлөвлөгөөг боловсруулан батлуулах, хэрэгжилтийг хариуцан зохион байгуулах;

5.2.2.жендэрийн эрх тэгш байдлыг хангах тухай хууль, хөгжлийн зорилтот хөтөлбөр, хорооны шийдвэрийг холбогдох албан тушаалтан, аж ахуйн нэгж, байгууллага хэрэгжүүлж байгаа байдалд хяналт тавьж, мэргэжил, арга зүйн удирдлагаар хангаж ажиллах;

5.2.3.жендэрийн тэгш байдлыг хангах арга хэмжээг Хөгжлийн бодлого, төлөвлөлт, түүний удирдлагын тухай хуульд заасан хөгжлийн бодлого, төлөвлөлтийн баримт бичигт тусгах, хэрэгжилтийг хангах, санхүүгийн эх үүсвэрийг төлөвлөн батлуулах ажлыг удирдан зохион байгуулах;

5.2.4.жендэрийн тэгш байдлыг хангах хууль тогтоомж, холбогдох хөгжлийн бодлого, төлөвлөлтийн баримт бичиг болон олон улсын байгууллагаас гаргасан зөвлөмжийг хэрэгжүүлэх ажлыг удирдан зохион байгуулах;

5.2.5.хорооны салбар зөвлөл, хороо болон дэд салбар зөвлөл, хорооны үйл ажиллагаанд хяналт тавьж, үйл ажиллагааг нь уялдуулан, зөвлөмж чиглэлээр хангах;

5.2.6.Ажлын албаны хүний нөөцийн талаарх бодлогын хэрэгжилтийг хангаж ажиллах;

5.2.7.төрийн албан хаагчийн жендэрийн талаарх мэдлэгийг нэмэгдүүлэх чиглэлээр холбогдох хуульд заасан байгууллагуудтай хамтран ажиллах, жендэрийн сургагч багш бэлтгэх;

5.2.8.салбар, орон нутгийн жендэрийн асуудал хариуцсан ажилтныг сургаж хөгжүүлэх, тэдний үйл ажиллагаанд мэргэжил, арга зүйн дэмжлэг үзүүлэх;

5.2.9.хорооны үйл ажиллагаанд шаардагдах тайлан, мэдээ, статистик тоо баримт, лавлагааг холбогдох байгууллагаас гаргуулах, бэлтгэх, мэдээллийн сан бүрдүүлэх;

5.2.10.хорооны хуралдааныг зохион байгуулах бэлтгэл ажлыг хангах, хорооны шийдвэрийг албажуулан гаргаж, нийт гишүүд, салбар хороо, зөвлөлд хүргүүлэх;



5.2.11.хорооны үйл ажиллагааг олон нийтэд мэдээлэх, сурталчлах арга хэмжээг зохион байгуулах;

5.2.12.жендэрийн эрх тэгш байдлыг хангах талаарх олон нийтийн ойлголт, мэдлэгийг дээшлүүлэх чиглэлээр сургалт, сурталчилгааны ажлыг зохион байгуулах;

5.2.13.жендэрийн тэгш байдлыг хангах асуудлаар гадаад улс, олон улсын байгууллагатай хууль тогтоомжийн хүрээнд хамтран ажиллах, олон улсын байгууллагатай төсөл, хөтөлбөр хэрэгжүүлэх, дүнг хорооны хуралд танилцуулах;

5.2.14.жендэрийн эрх тэгш байдлыг хангах тухай хуулийн 18.3.12-т заасны дагуу үр дүнд хүрсэн аж ахуйн нэгж, байгууллага, иргэнийг шагнал урамшилд тодорхойлох үйл ажиллагааг зохион байгуулж, хорооны хуралдаанд танилцуулах;

5.2.15.хорооны архив, бичиг хэргийг хөтлөх, хадгалах, хамгаалах асуудлыг хариуцах.

5.3.Хорооны Ажлын албаны дарга дараах чиг үүргийг хэрэгжүүлнэ:

5.3.1.Ажлын албаны өдөр тутмын үйл ажиллагааг удирдан зохион байгуулах;

5.3.2.бүрэн эрхийнхээ асуудлаар тушаал гаргах;

5.3.3.Ажлын албаны хүний нөөцийн удирдлагыг хэрэгжүүлж, албан хаагчдын албан тушаалын тодорхойлолтыг баталж, ажилтнуудыг хууль тогтоомжид заасны дагуу томилж, чөлөөлөх, ажлын гүйцэтгэлийг дүгнэх, урамшуулал олгох;

5.3.4.хорооны салбар зөвлөл, хороо болон дэд салбар зөвлөл, хорооны үйл ажиллагааг мэргэжил, арга зүйгээр хангах;

5.3.5.хорооны дэргэд тодорхой асуудлаар байгуулагдсан зөвлөл, ажлын хэсэг, шинжээчдийн бүлгийн үйл ажиллагаанд мэргэжил, арга зүйн дэмжлэг үзүүлэх;

5.3.6.хуралдаанаар хэлэлцэх асуудлын төлөвлөгөөг гарган хорооны даргаар батлуулах, хорооны шийдвэрийг хэрэгжүүлэх ажлыг зохион байгуулах;

5.3.7.хорооноос гаргасан шийдвэрийг үндэслэн Ажлын албаны төсвийг захиран зарцуулах, тайлагнах, шилэн данс хөтлөх.

Зургаа. Хорооны салбар хороо, зөвлөл

6.1.Жендэрийн эрх тэгш байдлыг хангах тухай хуульд заасны дагуу хороо нь аймаг, нийслэлд салбар хороо, төрийн захиргааны төв байгууллагад салбар зөвлөлтэй байна.

6.2.Салбар хороог тухайн шатны Засаг дарга, салбар зөвлөлийг яамны Төрийн нарийн бичгийн дарга ахалж, бүрэлдэхүүн, ажиллах журмыг нь батална.

6.3.Салбар хороо нь тухайн аймгийн сум, нийслэлийн дүүрэг, хороонд дэд салбар хороо, салбар зөвлөл нь харьяа байгууллага, агентлагт дэд салбар зөвлөл байгуулж ажиллана.

6.4.Салбар хороо, зөвлөлийн бүрэлдэхүүн нь холбогдох газар, хэлтэс, харьяа байгууллага, агентлаг болон төрийн бус байгууллага, иргэний нийгмийн байгууллагын төлөөллөөс бүрдсэн байна.

6.5.Салбар хороо, зөвлөл нь орон тооны нарийн бичгийн даргатай байна. Нарийн бичгийн дарга нь төрийн захиргааны төв байгууллагын холбогдох нэгжид болон тухайн шатны Засаг даргын Тамгын газарт жендэрийн асуудал хариуцсан мэргэжилтэн байна.

6.6.Салбар хороо, зөвлөл болон дэд салбар хороо, зөвлөлийн бүрэлдэхүүн, ажиллах журмын үлгэрчилсэн загварыг хорооны Ажлын алба боловсруулж мөрдүүлнэ.

6.7.Салбар хороо, зөвлөл нь Жендэрийн эрх тэгш байдлыг хангах тухай хуулийн 19.1-д заасан чиг үүргийг хэрэгжүүлэх бөгөөд эрхэлсэн салбарын хэмжээнд болон харьяа нутаг дэвсгэртээ Жендэрийн эрх тэгш байдлыг хангах тухай хууль, хөгжлийн зорилтот хөтөлбөр, хорооноос гарсан шийдвэрийг хэрэгжүүлэх ажлыг зохион байгуулж, биелэлтэд хяналт тавина.

6.8.Салбар хороо, зөвлөл нь тухайн жилд хэрэгжүүлэх үйл ажиллагааны төлөвлөгөө гаргаж, түүнийг хэрэгжүүлэхэд шаардагдах зардлыг зохих шатны төсөвт тусгуулах арга хэмжээ авна.

6.9.Салбар хороо, зөвлөл нь жендэрийн эрх тэгш байдлыг хангах талаар авч хэрэгжүүлсэн үйл ажиллагаа, үр дүнгийн тайланг Үндэсний статистикийн хорооноос баталсан албан ёсны маягтаар болон бичгээр



дараа оны 1 дүгээр сарын 10-ны дотор багтаан Жендэрийн үндэсний хорооны Ажлын албанд хүргүүлнэ. Тайланд Жендэрийн эрх тэгш байдлыг хангах тухай хуулийн 19.1.8, 19.1.9-д заасан мэдээллийг бүрэн тусгана.

6.10.Салбар хороо нь тухайн шатны иргэдийн Төлөөлөгчдийн Хуралд, салбар зөвлөл нь асуудал эрхэлсэн салбарын сайдад ажлаа тайлагнана.

Долоо. Хорооны үйл ажиллагааны зардлын санхүүжилт

7.1.Хороо, түүний Ажлын албаны үйл ажиллагааны зардлыг улсын төсвөөс санхүүжүүлнэ.

Найм. Бусад зүйл

8.1.Хороо нь монгол, англи хэлээр өөрийн зохион байгуулалт, үйл ажиллагааны тухай мэдээллийг харуулсан албан ёсны цахим хуудастай байна.



МОНГОЛ УЛСЫН ОЛОН УЛСЫН ГЭРЭЭ

ДЭЛХИЙН ШУУДАН ХОЛБООНЫ ДҮРМИЙН 10 ДУГААР НЭМЭЛТ ПРОТОКОЛ

Агуулга

Зүйл

- | | |
|--|--|
| I. (1 дүгээр зүйлд оруулсан нэмэлт, өөрчлөлт) | Холбооны үйл ажиллагааны хүрээ болон зорилт |
| II. (8 дугаар зүйлд оруулсан нэмэлт, өөрчлөлт) | Бүсийн холбоод. Тусгай хэлэлцээр |
| III. (18 дугаар зүйлд оруулсан нэмэлт, өөрчлөлт) | Шуудангийн ашиглалтын зөвлөл |
| IV. | Дэлхийн шуудан холбооны дүрэмд оруулсан нэмэлт протокол хүчин төгөлдөр болох буюу түүний үйлчлэх хугацаа |

ДЭЛХИЙН ШУУДАН ХОЛБООНЫ ДҮРМИЙН 10 ДУГААР НЭМЭЛТ ПРОТОКОЛ

Аддис-Абеба хотноо чуулсан ээлжит бус конгрессоор Дэлхийн шуудан холбооны гишүүн орнуудын Засгийн газрын бүрэн эрхт төлөөлөгчид Вена хотноо 1964 оны 7 дугаар сарын 10-ны өдөр байгуулсан Дэлхийн шуудан холбооны дүрмийн 30.2 дугаар зүйлийн хүрээнд соёрхон батлах нөхцөлөөр дүрэмд дараах нэмэлт, өөрчлөлтийг оруулав.

1 дүгээр зүйл

(1 дүгээр зүйлд оруулсан нэмэлт, өөрчлөлт)
Холбооны үйл ажиллагааны хүрээ болон зорилт

1. Энэ дүрмийг батлах орнууд Дэлхийн шуудан холбоо хэмээх засгийн газар хоорондын байгууллагын нэрийн дор шуудангийн илгээмжийг солилцох шуудангийн нэг нутаг дэвсгэрийг бүрдүүлнэ. Холбооны баримт бичигт заасан нөхцөлийн дагуу Холбооны бүх нутаг дэвсгэрт чөлөөтэй дамжин өнгөрүүлэх эрхийг бататгана.

2. Холбооны зорилго нь байгууллагын аюулгүй байдлыг хангах, шуудангийн үйлчилгээг сайжруулах болон энэ хүрээнд олон улсын хамтын ажиллагааг хөгжүүлэхэд оршино.

3. Холбоо нь түүний гишүүн орнуудад аль болох боломжийн хэрээр техникийн тусалцаа үзүүлэхэд оролцоно.

2 дугаар зүйл

(8 дугаар зүйлд оруулсан нэмэлт, өөрчлөлт)
Бүсийн холбоод. Тусгай хэлэлцээр

1. Хэрэв тухайн гишүүн орнуудын хууль тогтоомжоор зөвшөөрсөн тохиолдолд гишүүн орнууд эсхүл тэдгээрийн итгэмжлэгдсэн операторууд Бүсийн холбоо байгуулж болох ба тухайн оролцогч гишүүн орнуудын нэгдэн орсон баримт бичгээр нийтэд олгосноос дутуугүй нөхцөлтэйгээр олон улсын шуудангийн үйлчилгээтэй холбоотой Тусгай хэлэлцээрийг байгуулж болно.

2. Бүсийн холбоод Конгресс, Захиргааны зөвлөл, Шуудангийн ашиглалтын зөвлөл болон Холбооноос зохион байгуулах бусад хурал, зөвлөгөөнд өөрийн ажиглагчийг илгээж болно.

3. Холбоо Бүсийн холбоодын Конгресс, хурал, зөвлөгөөнд өөрийн ажиглагчийг илгээж болно.



3 дугаар зүйл

(18 дугаар зүйлд оруулсан нэмэлт, өөрчлөлт)
Шуудангийн ашиглалтын зөвлөл

1. Шуудангийн ашиглалтын зөвлөл (ШАЗ) нь шуудангийн үйлчилгээтэй холбоотой үйл ажиллагааны, арилжааны, техникийн болон эдийн засгийн асуудлыг хариуцна.

2. Шуудангийн ашиглалтын зөвлөлийн гишүүд өөрийн үүргийг Холбооны нэрийн өмнөөс, түүний ашиг сонирхлын дагуу гүйцэтгэнэ.

4 дүгээр зүйл

Дэлхийн шуудан холбооны дүрэмд оруулсан
нэмэлт протокол хүчин төгөлдөр болох, түүний үйлчлэх хугацаа

1. Энэхүү нэмэлт протокол нь 2019 оны 7 дугаар сарын 1-ний өдрөөс хүчин төгөлдөр болох ба тодорхойгүй хугацаагаар үйлчилнэ.

Дээрхийг гэрчилж, гишүүн орнуудын Засгийн газрын бүрэн эрхт төлөөлөгчид дүрмийн эх бичвэрт тусгасантай адил хүчинтэй, адил хугацаанд үйлчлэх заалт бүхий энэхүү нэмэлт протоколыг үйлдэж, Олон улсын товчооны Ерөнхий захиралд хадгалуулах нэг хувь эх бичвэрт гарын үсэг зурж баталгаажуулав. Энэхүү бичвэрийн хуулбарыг Дэлхийн шуудан холбооны Олон улсын товчооноос гишүүн улс бүрд хүргүүлнэ.

Аддис-Абеба хотноо 2018 оны 9 дүгээр сарын 7-ны өдөр үйлдэв.

Хаяг:

“Төрийн мэдээлэл” эмхэтгэлийн редакц,
Улаанбаатар-14201, Төрийн ордон 124 тоот
И-мэйл: turin_medeel@parliament.mn

Утас: 262420

Хэвлэлийн хуудас: 1.5

Индекс: 200003